



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**


### **Alexētērion id est Historia Pestis**

**Stengel, Carl**

**Augustae Vindelicorum, 1614**

Auctarium, siue Promptuarium medicinæ spiritualis contra pestem.

[urn:nbn:de:hbz:466:1-49838](https://nbn-resolving.org/urn:nbn:de:hbz:466:1-49838)



AVCTARIVM.

SIVE

PROMPTVARIVM  
 MEDICINÆ SPIRI-  
 tualis contra pe-  
 stem.



101 1719



AVCTARIUM

SIVE

PROMPTUARIUM  
MEDICINAE SPIRITUALIS  
SIVE  
SIVE

1719 101





## LITANIÆ PRO INFIRMIS.

**K**yrrie eleison.  
 Christe eleison.  
 Kyrrie eleison.  
 Christe audi nos.  
 Christe exaudi nos.  
 Pater de cælis DEVS, Misereere nobis.

Filij redemptor mundi DEVS,  
 Spiritus sancte Deus,  
 Sancta Trinitas vnus Deus,  
 Qui sanas contritos corde,  
 Qui vulneras & mederis.  
 Qui mortificas & viuificas.  
 Qui deducis ad inferos & reducis,  
 Qui orantes in sua infirmitate curare consueuisti,  
 Qui propter misericordiam tuam saluos facis omnes sperantes in te,  
 Qui Iob vlcere pessimo percussum sanasti,  
 Qui Ezechiam ad te clamentem à morbo liberasti,  
 Qui dæmonium à Sara depulisti,  
 Qui Tobiam lumen cæli videre vidisti,  
 Qui Chananzam pro filia post te clamantem exaudisti,  
 Qui socrum Petri à feбри libera sti,  
 Qui mulierem contractam ad perfectum sanitatem erexisti,  
 Qui filium principis iam mori incipientem à feברי saluasti,  
 Qui puerum centurionis verbo sanasti,

Misereere nobis.

Qui paraliticos & leprosos sanasti & mundasti,  
 Qui a spiritibus immundis vexatos & obsessos libera-  
 rasti,  
 Qui mulierem per tactum simbriae tuae a sanguinis  
 fluxu sanasti,  
 Qui surdos audire fecisti,  
 Qui claudis gressum restituiſti,  
 Qui multorum ora aperuiſti,  
 Qui caecos illuminasti,  
 Qui omnes infirmos & aegrotos tangendo sanasti,  
 Qui omnes oneratos & laborantes reficis,  
 Qui omnes languores nostros portasti,  
 Qui filium mortuum matri viduae viuum restituiſti,  
 Qui filiam Archisynagogi ad vitam reuocasti,  
 Qui Lazarum quadriduanum a mortuis resuscitaſti,  
 Qui aegrotos visitaſti, & visitantibus praemia aeter-  
 na promiſiſti,  
 Qui per umbram Petri multos ab infirmitatibus ſu-  
 is liberaſti,  
 Qui per sudaria & ſemicinctia Pauli multos infir-  
 mos curaſti,  
 Qui per ossa Elifae mortuum ad vitam reuocasti,  
 Deus audiutor & protector noster,  
 Susceptor & liberator noster,  
 Refugium nostrum & cornu salutis nostrae,  
 Fortitudo & patientia nostra,  
 Saluator & redemptor noster,  
 Propitius esto, Parce nobis Domine.  
 Propitius esto, Exaudi nos Domine.  
 Propitius esto, Libera nos Domine.  
 Ab omni malo, Libera nos Domine.  
 Ab omni peccato, Libera nos Domine.  
 Ab omni morbo & languore, Libera nos Domine.  
 A peste & omni contagione, Libera nos Domine.  
 Ab omni impatientia & pusillanimitate, Libera nos  
 Domine.

Miserere nobis.

Ab infi-

Ab insidijs Diaboli,  
 A periculis mortis,  
 A doloribus inferni,  
 A subitanea & improuisa morte,  
 A damnatione perpetua,  
 Per tentationem tuam,  
 Per lachrymas & ærumnas tuas,  
 Per labores & defatigationes tuas,  
 Per tristitiam & tædium tuum,  
 Per pauorem & mæmorem tuum,  
 Per sitem & famem tuam,  
 Per agoniam & sanguineum sudorem tuum,  
 Per sacrosancta vulnera tua,  
 Per pretiosum sanguinem tuum,  
 Per crucem & passionem tuam,  
 Per mortem & sepulturam tuam,  
 Per gloriosam resurrectionem tuam,  
 Per admirabilem ascensionem tuam,  
 In die iudicij.

Libera nos Domine.

Peccatores, Te rogamus audi nos.  
 Vt nobis parcas, Te rogamus audi nos.  
 Vt nobis indulgeas,  
 Vt spatium veræ pænitentia nobis concedere dig-  
 neris,  
 Vt compunctionem cordis, & fontem lachryma-  
 rum nobis donare digneris,  
 Vt nos visitare & consolari digneris,  
 Vt aërem salubrem, & sanitatem mentis & corpo-  
 ris nobis largiri digneris,  
 Vt indulgentiam & remissionem omnium peccato-  
 rum nobis concedere digneris,  
 Vt gratiam & consolationem sancti Spiritus cordi-  
 bus nostris infundere digneris,  
 Vt nobis in omni tribulatione nostra succurrere, &  
 patientiam donare digneris,

Te rogamus audi nos.

Vt nos in hora mortis contra omnes diaboli infidias munire digneris,

Vt nos in tua gratia mori, & ad finem vsque perfeuerare concedas,

Vt extrema nostra benedicere & sanctificare digneris.

Vt spiritum nostrum in manus tuas suscipere digneris.

Vt post obitum nostrum paradisi ianuas nos gaudenter introire concedas.

Vt nos exaudire digneris,

Fili Dei. Te rogamus audi nos.

Agnus DEI, qui tollis peccata mundi, parce nobis Domine.

Agnus DEI, qui tollis peccata mundi, exaudi nos Domine.

Agnus DEI, qui tollis peccata mundi, Misereere nobis.

Christe audi nos.

Christe exaudi nos.

Kyrie eleison.

Christe eleison.

Kirie eleison.

Pater noster, &c.

Et ne nos inducas, &c.

ψ. Saluos fac seruos tuos.

℞. Deus meus sperantes in te.

ψ. Convertere Domine vsquequo,

℞. Et deprecabilis esto super seruos tuos.

ψ. Esto nobis Domine turris fortitudinis.

℞. A facie inimici.

ψ. Nihil proficiat inimicus in nobis.

℞. Et filius iniquitatis non apponat nocere nobis.

ψ. Adiutor noster esto, ne derelinquas nos.

℞. Neque despicias nos Deus salutaris noster.

ψ. Aduua nos Deus salutaris noster,

℞. Et propter gloriam nominis tui Domine libera nos.

ψ. Domine

Te rogamus audi nos.

ŷ. Domine exaudi orationem meam,  
 R. Et clamor meus ad teueniat.

## O R E M V S.

**D**EVS infirmitatis humanæ singulare præsidium  
 auxiliij tui virtutem super infirmos famulos tuos  
 clementer ostende, vt ope misericordiæ tuæ adiuti, Ec-  
 clesiæ tuæ sanctæ incolumes repræsentari mereantur.

**D**EVS, qui Vnigeniti tui patientia antiqui hostis  
 contriuiisti superbiam, da nobis, quæsumus, quæ idem  
 pro nobis pertulit, dignè recolare, sicque exemplo eius  
 cuncta nobis aduersantia æquanimiter tolerare.

**D**EVS humani generis benignissime conditor &  
 misericordissime reformator, qui hominem inuidia di-  
 aboli ab æterna felicitate, deiectum, vnigeniti filij tui  
 pretioso sanguine redemisti, viuifica nos famulos tuos  
 gratiæ tuæ vigore, & iacentibus manum porrige salu-  
 tarem; reple nos omni gaudio cordis & lætitia spiri-  
 tuali; expelle à nobis omnes hostiles insidias, & mitte  
 nobis medicum salutis Angelum pacis, qui nos in an-  
 gustijs positos consolationibus tuis attollat, quibus in  
 præsentem consequamur auxilium, & in futuro præmia  
 comprehendamus æterna.

Misericordiam tuam humiliter deprecamur omni-  
 potens Deus, quæ amissam nobis gratiam reconciliet,  
 atque munus patientiæ in illatis omnibus semper & v-  
 bique protegendo impertiat.

**D**EVS sub cuius nutibus vitæ nostræ momenta  
 decurrunt, suscipe preces humiliter ad te clamantium,  
 vt de omni aduersitate & ægritudine liberati, perpetua  
 te gratiarum actione laudemus. • Per Dominum no-  
 strum &c. Amen.

ŷ. Domine exaudi orationem meam. R. Et clamor.

ŷ. Benedicamus Domino. R. Deo gratias.

ŷ. Et fidelium animæ per misericordiam Dei requies-  
 cant in pace. R. Amen.





MEDICAMEN SPIRITVALE  
 CONTRA PESTEM  
 constans quinque Psalmis B. Virginis ex  
 Psalmis S. Bonauenturæ cum  
 ceteris oratiunculis ad B.  
 Virginem Mariam.

*Suffragium.*

**S**ub tuum præsidium confugimus sancta DEI genitrix, nostras deprecationes ne despicias in necessitatibus, sed à periculis libera nos Virgo gloriosa.

*Oratio.*

Beatæ gloriosæ semperque Virginis MARIÆ, quaesumus Domine, intercessio gloriosa nos protegat, & ad vitam æternam perducatur, Amen.

*Psalmus 1.*

**M**AGNA es Domina, & laudabilis nimis in ciuitate DEI nostri, & in vniuersa Ecclesia electorum eius.

Misericordia tua & gratia tua vbique prædicatur, Deus operibus manuum tuarum benedixit.

Miserere nostri Domina, & sana infirmitatem nostram, tolle dolorem & angustiam cordis nostri.

Mitte Angelum bonum in occursum nostrum, per quem ab hostibus defendamur.

Miserere nostri in die angustiae nostrae, & in veritate tua irradia nos.

Miserere nostri Domina, miserere nostri, quoniam tu es spes & lux omnium sperantium in te.

Memento nostri perditorum saluatricis, exaudi planctus & suspiria nostra.

Miserere nostri Domina, & ora pro nobis: in laticiam bonam verte maestitiam nostram.

Miserere seruatorum tuorum Domina: & ne finas eos angustiari in tentationibus suis.

Miserere nostri Regina gloriae & honoris, & de omni periculo custodi vitam nostram.

Miserere nostri Mater Saluatoris, praesta consolationem in tribulatione nostra.

Medere contritis corde, Domina salutis, & resoue eos vngento pietatis. Gloria Patri, &c. Sicut erat in principio, &c.

*Psalmus 2.*

**A**d te Domina clamabo & exaudies me, in voce laudis tuae laetificabis me.

Ad te clamaui cum anxiaretur cor meum, & exaudisti me de monte sancto tuo.

Amplectamur MARIÆ vestigia peccatores, & beatis pedibus eius pronoluamur.

Accedite ad eam cum reuerentia & deuotione: & delectetur cor vestrum in salutatione illius.

Accedite ad eam in tribulationibus vestris; & stabilet vos serenitas vultus illius.

A rugientibus praeparatis ad escam, de manibus quaerentium nos liberati sumus gratia illius.

Attendite popule Dei praeepta Dei, & Reginae caeli nolite obliuisci.

Aperite cor ad inuestigandam eam: labia ad glorificandam illam.

Accendatur affectus cordis in illam: & inimicos nostros induet confusione.

Abstu

Abstulit à corde mæstiriam & mærorem, & suauitate sua cor nostrum dulcorauit

Adorate illā in decore illius, glorificate opificem pulchritudinis eius.

Adiutorio suo sancto euasimus pericula mortis: & de læua peste liberati sumus. Gloria Patri, &c. Sicut erat in principio, &c.

*Psalmus 3.*

**R**efugium tu es Domina in tribulatione nostra, & virtus potentior conterens inimicum.

Religiosi omnes honorate illam, quia ipsa est adiutrix & vestra spiritualis aduocata.

Recurramus ad eam in tribulatione nostra, & eripiet nos de periculis nostris.

Recordare Domina, vt loquaris pro nobis bonum: & indignationem filij tui auertas à nobis.

Respice miseriam nostram gloriosa Virgo; angustiam & tribulationem ne tardes remouere.

Recordare Domina pauperum & miserorum, & sustenta eos ope refugij sancti tui.

Recordare nostri Domina, vt nō apprehendant nos mala, succurre nobis in fine, & inueniemus vitam æternam.

Resperge cor nostrum dulcedina tua; fac nos obliuisci angustias huius vitæ.

Respice Domina humilitatem seruorum tuorum, & ne sinas eos periculis subiacere

Reple nos seruos tuos virtutibus sanctis: & ira Dei non appropinquet nobis.

Respice Domina humilitatem cordis nostri, & libera nos de afflictione pessima.

Reminiscere miserationum tuarum Domina, & releua peregrinationum incolatus nostri. Gloria Patri, &c. Sicut erat, &c.

*Psalmus 4.*

**I**N te Domina confido: propter multitudinem misericordiae nominis tui.

Iudica me Domina, quoniam ab innocentia mea digressus sum, sed quia in te speravi, non infirmabor.

In manus tuas commendo corpus & animam meam, totam vitam meam, & diem ultimum meum.

Influe nobis radios tuae pietatis, & clarifica nos fulgoribus misericordiae tuae.

Innova signa & immuta mirabilia, ut sentiamus adiutorium brachij tui.

Intercede pro nobis salutaris Mater Dei, quia Angelorum & hominum salutem peperisti.

Infunde gratiam de thesauris tuis, & unguentis placa dolorem nostrum.

Ingrediatur oratio nostra in conspectu tuo, & voces gementium ne despexeris.

In manu tua, Domina, salus & vita consistunt, laetitia sempiterna & aeternitas gloriosa.

Inueuiant quaeſo gratiam apud Deum, qui te in suis necessitatibus invocabunt.

In periculis & rebus dubijs, & in necessitatibus inuenientes cunctis adiutorium dulce.

Ipsa enim mederis contritis corde, & refoues unguento pietatis, Gloria patri, &c. Sicut erat, &c.

*Psalmus 5:*

**A**D Mariam cum tribularet clamaui, & clementia sua exaudiuit me.

Ad te Domina leuaui animam meam in iudicio Dei mei, & precibus tuis non erubescam.

Aue gratia plena, Deus tecum, per quam salus mundi restauratur.

Ascendisti alternantibus hymnidicis Angelorum choris, Archangelorum constipata rosis, & lilijs coronata.

Ablue Domina omnia peccata nostra, sana omnes infirmitates nostras.

Aufer a nobis tribulationem nostram, & dulcifica omnem dolorem nostrum.

Auertatur a nobis ira Dei per te, placamur eum meritis & precibus tuis.

Aperiantur nobis per te portæ iustitiæ, ut enarremus omnia mirabilia tua.

Ad Dominum accede rogatura pro nobis, ut per te liberemur de angustijs nostris.

Adiutorium nostrum in virtute sit nominis tui, per te omnia opera nostra dirigantur.

Ab omni perturbatione libera seruos tuos, & fac eos viuere sub pace & protectione tua.

Adorent te familiæ gentium: glorificent te omnes ordines Angelorum, Gloria patri, &c. Sicut erat, &c.

Kyrie eleison. Christe eleison. Kyrie eleison. Pater noster, &c. Sed libera, &c. Vers. Saluos fac seruos tuos. Resp. Deus meus sperantes in te. Vers. Mittere nobis auxilium de sancto. Resp. Et de Sion tuere nos. Vers. Ora pro nobis sancta Dei genitrix. Resp. Ut digni efficiamur promissionibus Christi. Vers. Domine exaudi orationem meam, Resp. Et clamor meus ad te veniat.

*Oremus.*

Defende quæsumus Domine B. MARIA semper Virgine intercedente, istam ab omni aduersitate familiam, & toto tibi corde prostratam ab omni infirmitate & peste, & ab omnibus tuere clementer periculis, per Christum Dominum nostrum, Amen.

*Hactenus è S. Bonaventura.*

*Oratio*

*Oratio Ecclesie tempore famis & pestis.*

Da nobis quæsumus Domine, piæ supplicationis effectum, & pestilentiam famemque propitiatus auerte; ut mortalium corda cognoscant, & te indignante talia flagella prodire, & miserante cessare. Per Dominum nostrum Iesum Christum,  
Amen.



*Has duas orationunculas sequentes ex hispanico idiomate, utcunque intelligere potuimus, ita traduximus.*

ORATIO AD S. SEBASTIANVM  
MARTYREM.

**M**iles DEI magnanime, & fortissime dux IESV Christi, gloriose Sebastiane, qui visitabas, confortabas, & animabas tuis sermonibus beatos Martyres, ut cum gaudio mortem subirent pro Domino: Meruisti quoque esse defensor fidei Christianæ, & habere tam gloriosum nomen, ut esses duplici vice Martyr. Prima, cum in campo religatus sagittis

transfigereris : secunda, cum iterum factus rediuuius, fustibus cadereris, & affligereris tā atrocibus plagis & ictibus, donec emitteres tuum purum & beatum spiritū in Domino : Rogo te, gloriose Martyr, vt mihi impetres à DEO virtutem constantiæ & perseueratiæ in suo sancto seruitio: vt ipse quoque nos liberet ab infectione aëris, & pestilentia ; quas propter peccata nostra meriti sumus ; & suscipias quōque in tutelam, & defendas exercitus Christianos atque Catholicos : & illis assistas in suis bellis, quatenus obtineant victoriam contra inimicos S. Matris Ecclesiæ, & per illam pacem securam, & perfectam quietem, Amen.

ORATIO DE S. ROCHO CONFESSORE  
CONTRA PESTEM.

**M**isericordissime, & benignissime Domine, qui ex paternā tuā providentiā castigas nostra peccata, & per infectionem aëris tollis salutem & vitam corporalem, proterea emendantes & humiliantes nos subijcimus tuo diuino auxilio

xilio, quatenus nobis des vitam spiritua-  
lem animarum nostrarum; oro te humi-  
liter per intercessionem sancti Confesso-  
ris tui Rochi, vt custodire ac præseruare  
digneris me & totam istam familiam, &  
patriam ac regionem nostram, ab omni  
infirmirate, contagione ac pestilentia;  
& nobis des integram salutem tam ani-  
mæ quam corporis, vt in tuo sancto tem-  
plo te laudemus, & perpetuò tibi seruiam-  
us.

Et tu ò felix & beate Roche, qui per  
exemplum patientiæ & maioris confi-  
dentiæ in tuo patrocinio, rogasti DEVM,  
vt percutereris peste, & in tuo corpore pa-  
tereris, quod alij paterentur, & ex tuo  
malo disceres compati ægris, & succurre-  
re ijs, qui in simili versantur periculo &  
afflictione.

Aspice nos pijs oculis, & libera nos  
ab omni mortalitate per tuas feruidas o-  
rationes; nobis quoque obtine gratiam  
Domini, vt in sano nostro corpore, sana  
nostra viuat anima: & post hanc vitam  
temporalem, breuem atque caducam,



perueniamus ad æternam & gloriosam  
& tecum gaudeamus in secula seculo-  
rum, Amen.



DE S. SEBASTIANO MARTYRE.

*Antiphona.*

**O** Magnæ fidei sanctissime Sebastiane, miles beatissime, cuius meritis & precibus tota patria Lombardiæ à mortifera peste fuit liberata, intercede pro nobis ad Dominum nostrum IESVM CHRISTVM, vt nos tuo beato interuentu ab ipsa peste epidimiæ, ac improuisa morte, & ab omni aduersitate corporis & animæ liberare & defendere dignetur, & donet nobis tantum vitæ spatium & tantam emendationem peccatorum nostrorum, vt post hoc exilium sacris tuis precibus cum Christo colletemur.

V. Ora pro nobis beate martyr Sebastiane. Ref.

R. Ut mereamur pestem epidimiæ illæsi  
pertransire, & promissionem Christi  
obtinere.

*Oratio.*

**O**mnipotens sempiterne DEVS, qui  
meritis beati & gloriosi Martyris tui  
Sebastiani quondam generalem pestem  
hominum mortiferam reuocasti: præsta  
supplicibus tuis, vt qui pro consimili  
peste reuocanda ad ipsum sub tua confi-  
dencia confugiunt, eius meritis & preci-  
bus ab ipsa & omni tribulatione libere-  
mur. Per Dominum.

DE S. ROCHO CONFESSORE.

*Antiphona.*

**O** quam magnificum est nomen tu-  
um, B. Roche, qui tuis intercessio-  
nibus multitudinem languentium nosti  
saluare, & omnibus nomen tuum glori-  
osum commemorantibus te præ-  
tium exhibere: veni & sana nos à morbo E-  
pidimiæ, & aëris temperiē nobis impetra.

*Alia Antiphona.*

**A** Ve Roche sanctissime nobili' natus  
sanguine crucis signaris schema-  
te, sinistro tuo latere, Roche profectus  
peregrè, curas tectus, pestis feræ agros  
sanas mirificè, tangendo salutiferè. Va-  
le Roche, angelicæ vocis citatus flamine,  
obtinuisti deificè, à cunctis pestem repelle.  
V. Ora pro nobis sancte Roche.  
R. Ut mereamur præseruari à peste Epi-  
dimia.

*Oratio.*

**D** Eus qui es gloriosus in gloria san-  
ctorum, & cunctis ad eorum patro-  
cinia confluentibus suæ petitionis salu-  
tarem præstas effectum: concede plebi  
tuæ: ut intercedente B. Rocho confesso-  
re tuo, quæ in eius commemoratione  
se deuotam exhibet, à languore & epi-  
dimia peste, quam in suo corpore pro tui  
nominis gloria passus est, sit libera, &  
tuo nomini semper sit deuota per Do-  
minum nostrum, &c.

Oratio

## Oratio generalis ad vtrosque.

*Antiphona.*

**A**vertatur obsecro furor tuus Domine à populo tuo, & à ciuitate ista, & per sanctorum tuorum Sebastiani & Rochi intercessionem, quiescat DEVS meus ira tua, & dic Angelo percutienti, cesset iam manus tua, vt non desoletur terra, & non perdas omnem animam viuam.

V. Parce Domine: parce populo tuo.

R. Quem redemisti IESV CHRISTE sanguine tuo.

*Oratio.*

**D**EVS conspicias, quia ex nostra prauitate deficimus; concede nobis sanctis tuis Sebastiano & Rocho intercedentibus salutem mentis & corporis: vt qui iustè pro peccatis nostris affligimur, pro tui nominis honore ab hac pestifera clade misericorditer liberemur. Per Christum Dominum nostrum, Amen.

## ORATIO TEMPORE PESTIS.

Ex festis Petri Michaëlis S. I.

**A**spice quaeso, benignissime misericordissimeque DEVS, de folio sancto tuo oculis benignitatis super nos miseros, qui in vindicem manum tuam impingimus, & mortiferis pestilentiae iaculis vnde quaque impetimur, & prosterminur, vt plurima inter nos quotidie sit mortis imago. Omnes insequitur, in omnes cuspidem vibrare praecutam minatur; nec est qui nos adiuuet, nisi tu Deus noster, victor mortis, & vastator Satanæ ac regni eius. Reconde Domine cruentum gladium, retrahe armatam in nos manum tuam, & funestissima ruinæ nostræ miserere. Sana faucios conserua sanos, & largire, vt hæc visitatio tua nos penitus à peccatis ad te conuertat; vt si non in hac vita, ad æternam saltem incolumes à te conseruemur Amen.

DE S. SEBASTIANO MARTYRE  
CONTRA PESTEM.

Ex ant. M. S. C.

**O** Quam mira refulsit gratia Sebastia-  
nus martyr inclytus, qui militis  
portans insignia, confortauit corda pal-  
lens uerbo sibi collata cælitus. K. C. K.  
Pater noster. Domine exaudi ora-  
tionem.

*Oratio.*

**D**eus qui beatum Sebastianum Mar-  
tyrem tuum in tua fide & dilectione  
tam ardentem solidasti, ut nullis carnali-  
bus blandimentis, nullis tyrannorum  
minis nullisque carnificum gladijs, sagit-  
tis aut tormentis potuit à tuâ culturâ re-  
uocari, da quæsumus Domine nobis mi-  
seris & indignis peccatoribus, eius pijs  
meritis & intercessionibus in tribulatio-  
ne auxilium, in persecutione solatium,  
& in omni tempore tribulationis & an-  
gustia contra pestem epidimiam remedium,  
quatenus

quatenus possimus contra omnes diabolicas insidias viriliter dimicare, mundum & ea quæ in mundo sunt, omninò despiciere, & nulla eius aduersa formidare, superbiam quoque & vanam gloriam cum omnibus vitijs superare, & quæ à te iussa sunt recta intentione perficere. Per Dominum.

ALIA ORATIO TEMPORE PESTIS.

**N**ON sunt nobis remotæ causæ, Domine Deus, Pater iustissime tantam esse rebellionem omnium ferè creaturarum in vnum hominem, cui (si omnia creationis modo constarent) obedire, & subesse debeant: nunc terremotus, nunc tonitru, nunc eluuiæ, nunc coniunctiones siderũ nocentissimæ, nunc infectio aëris, quotidie noua atque alia audiuntur mala. Sed hæc pæna, quod munificentia tuæ donis abutimur, mandata tua transgredimur, quod minis non deterremur, promissis non allicimur.

Agnoscamus histe castigationibus terrenis hisce nos abducere, ad cælesti

un

um desideria attrahere; & in hoc creaturas tuas tibi obsequi. Memor esto in magna hac ira tua misericordiarum tuarū, & contagij malum, quod tua ira in nos effusum est, tolle propitius. Nullum enim malum pestilens aër importabit, si omnigenis peccatis bellum indixerimus. Omnia tamen abs te Patre pijsimo sunt, & quod corpore à contagio hoc securi, & quod anima à peccati malo tuti sumus.

Etsi autem alij huius vitæ amore detenti in mortalitatis eiusmodi periculis huc illucque opem implorantes discurrunt; tamen à nemine rectius, tutiusque petitur auxilium, quam abs te vno: cuius potentiam nemo potest effugere, qui nos in gratiam recipies, cum neminem non suscipis in tua bonitate sperantem. Ad te igitur clamamus Domine, exaudi preces & orationes nostras, vt liberet nos ab hac plaga pestiferâ & funestâ. Precipe Angelo tuo percutienti nos, vt recondat gladium suum in vaginam, ne nos feriat vsque ad consummationem: ne facias progressionem iræ tuæ, parce anima-

nima-



nimab<sup>9</sup> nostris, & ne concludas nos peste.

Reuertere, reuertere Domine, & deprecabilis esto super seruos tuos: aufer à nobis hanc inclementiam cœli, & in salubritatem loci, ne aër infectus noxam, qua afficitur, in nostrā perniciem effundat. O Domine, vertatur quęso manus tua, sufficit iam, cesset nunc manus tua, vt sciat omnis terra, quia tu es Domine Deus noster, & quia nomen tuum inuocatum est super nos, Amen.

F I N I S.

Augustæ Vindelicorum, Typis

Chrysofomi Daberij.

Collegij Societ. Iesu Paderb. 1625

ANNO M. DC. XIV.